

Testar e survegnir in'invista en las soluziuns digitalas da la BCG

La Banca Chantunala Grischuna participescha a fieras a Cazas ed a Scuol

Cuira, ils 9 d'avrigl 2018 – La Banca Chantunala Grischuna (BCG) è preschenta l'avrigl a la «vifa18» a Cazas ed a l'«EBexpo 2018» a Scuol. Al stan pon las visitadras ed ils visitaders sa persvader dals avantatgs da las soluziuns digitalas da la banca e testar quellas. Plinavant pon ins inspectar virtualmain abitaziuns e chasas cun agid d'egliers 3D.

La Banca Chantunala Grischuna è giast dals 13 fin ils 15 d'avrigl a la «vifa18» sin l'areal da l'Arena grischuna a Cazas e dals 27 fin ils 29 d'avrigl a l'«EBexpo 2018» en la halla da glatsch Gurlaina a Scuol. En il center da la preschentaziun al stan stattan ils products digitals che simplifitgeschan las fatschentas da banca. Las collavuraturas ed ils collavuratur da la BCG sa legran sin bleras visitas e sin discurs interessants.

Fatschentas da banca facilas grazia a soluziuns digitalas

Mai n'èsi stà uschè simpel da testar e da survegnir in'invista en ils servetschs digitals da la BCG. En il focus da la preschentaziun da la BCG stattan l'[e-banking](#), la banca segira per a chasa, l'[app](#) gratuita per il mobile banking cun smartphone e tablet sco er il [center da clientella online](#), cun il qual ins po empustar confortablmain daners a chasa u fixar facilmain termins da cussegliaziun. En pli datti infurmaziuns en connex cun l'[assistent da finanzas BCG](#) ed areguard la pussaivladad da [pajar senza daner contant via telefonin](#) ed anc bler dapli.

Inspectar immobiglias a moda virtuala

Tgi che s'interessa per in object d'abitar ha fin uss adina stuì esser al lieu per al inspectar. Cun ils egliers 3D dal portal d'immobiglias [newhome.ch](#) n'è quai betg pli necessari. Als stans da fiera da la BCG survegnan las visitadras ed ils visitaders in'invista virtuala en ils locals, els pon sa muventar lien ed als endrizzar tenor agen gust.

Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'ì dovra per ina banca universala moderna – per personas privatas, l'economia ed il maun public. La banca occupa 985 collavuraturas e collavuratur (stadi dals 31-12-2017). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 25,6 milliardas in gudogn dal concern da CHF 180,3 milliuns. Il scrit da participaziun BCG è quòtà a la bursa dapi ils 10 da settember 1985.

Termins

Radunanza dals participants:	5 da matg 2018
Rendaquint semestral 2018:	26 da fanadur 2018
Quint annual 2018:	8 da favrer 2019